

Die Pad van Waarheid tot die Lewe BybelVertalingsProjek

Bespreking van die wet

8

Die Reinheids- en Voedselwette

Die volheid van Yisra'el se lewe is ge-organiseer deur reinigings- wette en standarde. Dit beteken dat die tabernakel / tempel se reinheid ge-ewenaar word deur die reinheid van die priesterdom, maar ook deur die van die land, die huishouding, die fisiese liggaam en wat aangeraak of geëet mag word.

Dit pas alles in 'n sisteem van reinheid wat met Yahuah se afgesonderdheid / reinheid identifiseer :

“Julle moet afgesonder wees tot My, want Ek, יהוה, is afgesonderd en Ek het julle van die volke af afgesonder om Myne te wees.”

Lev 20:26.

Lees asb Lev 11 en Deut 14 met die gedagte dat dit voorskrifte is vanaf Hom wat omgee vir wat die beste is vir jou.

Ons sal drie vrae in hierdie stuk probeer beantwoord:

1. Wat is die betekenis van rein en onrein in die Bybel?
2. Wat is die rede vir die reinheids en dan voedselwette?
3. Is hulle vandag nog geldig?

1.Rein en onrein

טהור - Tahor - rein / skoon

אִישׁ בְּיָדָיו חַטָּאת – ‘n Mandjie, opgeligde hande en ‘n man
‘n Man wat ingekamp is / vasgevang in respekvolle vrees.

טהור – Tehor – reinheid

Die Bybel vra die vraag:

Ps 24:3 Wie mag opgaan op die berg van יְהוָה of wie mag staan in Sy Afgesonderde Plek?

Die antwoord laat ons ‘n bietjie van die woord Tahor verstaan:

Ps 24:4 Hy wat rein hande en ‘n suiwer verstand, wil en emosie het, wat nie valslik by sy lewe gesweer het en nie met misleiding ‘n eed afgelê het nie.

Onrein daar teenoor is:

טמא - tamei – onrein

בְּיָדָיו חַטָּאת – ‘n Mandjie, water en ‘n os

Houer met water is nodig om te was tot krag = onrein

of
sonder om gewas te wees is daar nie krag nie.
Kom ons neem 'n oomblik en dink daaraan.

In reinheid kan ek in Sy Teenwoordigheid vanuit Sy Krag opereer.
Sonder Reinheid het ek nie Sy Krag vir diens in die Koninkryk nie.
Enige iets wat onrein of vuil was, moes eers gewas of skoongemaak word voordat dit
in Vader se Teenwoordigheid kon kom en aanvaar kon word.
Daarom moes ons eers deur die offerbloed van Yeshua gewas word voordat ons in
Vader se Teenwoordigheid aanvaar kon word.

Nou kan u verstaan hoekom hierdie so 'n belangrike lering is.
Ons wil mos nie enige iets doen wat ons skei van die Teenwoordigheid van Vader nie.
Dit is ook wat mense nie verstaan in verband met die reinigings- en koswette nie.
Dit is nie oor goed wat skielik "sleg" is nie, maar gaan oor wat aanvaarbaar is in die
Teenwoordigheid van 'n Afgesonderde God.
Die ander belangrike onderskeiding in die Skrif is tussen eksterne onreinheid = dinge
wat onrein gemaak word EN inherente onreinheid = Iets wat om 'n rede in homself
onrein is.

Hierdie is belangrik, want soms praat die skrif van die verskil tussen hierdie twee en dan word dit misverstaan as verwysend na wat inherent onrein is.

Bv.

Mat 15

1 Toe kom daar Fariseërs en leraars van die wet vanaf Yerushalayim, na Yeshua toe en sê: 2 “Waarom oortree U studentevolginge die tradisionele wet van die oudstes en was nie hulle hande wanneer hulle brood eet nie?”

Let op – dit is belangrik om te let op die rede vir die gesprek. Dit gaan glad nie hier oor wat rein is nie, maar oor die eksterne onrein raak van kos (wat rein is) soos brood, deur met ongewaste hande te eet. Dit is ‘n afgeleide, wel goeie, gebruik en wet van die Fariseërs en nie in die Skrif nie.

Dit gaan nie oor wat inherent onrein is om te eet nie. Niemand het fout gevind met die brood nie. As ons dit verstaan is daar geen probleem met die gedeelte nie.

Yeshua se antwoord bewys weereens waarom dit gaan:

3.“Waarom oortree julle ook die opdragte van God ter wille van julle tradisionele wet?”

Dit gaan oor mensgemaakte wette teenoor God se wette.
In vs 11 Verduidelik Yeshua dat dit nie gaan oor vuilgoed wat dalk deur jou hande in jou mond ingaan nie, maar oor jou hartsgesindheid. Dit wat uit jou uitgaan.

Kyk na die vers en U sal nou verstaan.

Mat 15:11

Dit is nie wat in die mond ingaan, wat die mens onrein maak nie, maar dit wat uit die mond uitgaan, maak die mens onrein.”

Rein is dus dit wat aanvaarbaar is in die Afgesonderde Teenwoordigheid van Vader. Dit is Sy Skepping – Hy besluit wat is aanvaarbaar, ons gehoorsaam net, maar geen mens het die reg om sy eie wette by te sit nie.

Verder sien ons dat daar 2 soorte onreinheid is:

1. Inherente onreinheid - ewig die selfde - onveranderlik
2. Eksterne onreinheid – tydelik en veranderbaar.

2. Redes vir die Reinigings- en Koswette

2 Tim 3:16-17

Elke geskrif wat deur die Gees geskryf is, is voordelig vir lering, vir korreksie, vir rigting en vir 'n kursus in onpartydigheid en opregtheid sodat die man van God volmaak kan wees, volmaak gemaak vir elke goeie daad.

3.

Dit beklemtoon die afgesonderdheid wat Vader vir ons in gedagte het om volmaak voor Hom te staan sodat ons die volheid van Sy krag het. Ons is nou die tempel en om iets onrein te eet is soos om iets onrein te offer of in die tempel in te bring.

Dit gaan nie oor wat ek van hou nie. Dit gaan oor die afgesonderde lewe wat Hy vir my begeer. As jy 'n kind van God is, sal jou begeerte wees om Hom tevrede te stel en te gehoorsaam en nie jou eie voorkeure en begeertes nie.

Die tweede rede is Higiëniese of gesondheids redes.

As ons die tempel van Sy Gees is, is daar net sekere dinge wat sleg is vir ons en dan kyk ons nie behoorlik na die tempel nie.

Interessant dat die mediese en voedsel wetenskappe die ongesondheid van vark en ander onrein kosse gedokumenteer het, sonder dat mense daarop ag gee.

Vir my die belangrikste rede:

Vader het so gesê en dit is vir my genoeg. Dit is nog nooit gekanseleer nie. Om te sê dat Yeshua enige daarvan gebreek of geleer het dat dit nie meer geldig is nie, is Godslasterlik, want dit maak Hom 'n wetsoortreder en dus kan Hy nie u en my Verlosser wees nie.

My Verlosser het geen wet gebreek of geleer dat ek dit mag breek nie.
Dink asseblief mooi oor hierdie woorde!!!

Ons verlossing hang daarvan af – Yeshua het geen wet oortree nie en sou nooit geleer het dat dit gebreek mag word nie.

Dan is die logiese gevolgtrekking mos dat dit nog geldig is. Niemand behalwe die een wat 'n wet ingestel het, mag dit kansleer nie. Maak nie saak wat die kerk of enige persoon leer nie; God het nie Sy wet van afgesonderde lewe herroep nie.

Dit wat ekstern onrein is, kan gereinig word. Soos die melaatses waarvan baie voorbeelde in die Skrif is. Omdat dit hoogs aansteeklik is, is die wet ook gewees moenie aan dit raak nie anders word jy ook besmet = onrein. Die persoon kan egter deur die krag van God genees word – dan is hy rein.

U en ek was onrein – sondig – besmet met die skuld van sonde. Yeshua het met Sy bloed die vuil weggewas en met Sy lewe die offer gebring.

Nou is ons rein en waardig om in Sy Teenwoordighed te lewe.

Die vark, krokodil, kreef, garnaal, volstruis, bloed ens. is inherent onrein verklaar en niks kan dit rein maak nie – soos baie ander.

Dit is om te sê dat as ek vir sonde bid dan is dit nie meer sonde nie. Dit eet vuilgoed en afval en watter ander rede Vader van weet en ons nie, dit is nie skoon en waardig in Sy kind se lewe nie.

Kom ons kyk nou na die verse wat aangehaal word:

Sha'ul

1 Tim 4:3-5

3 Hulle verbied om te trou en onthou hulle van kos wat God geskep het om met dankbaarheid gebruik te word deur die wat vertrou en die waarheid ken,

4 want elke ding wat deur God geskep is, is goed en niks is verwerplik as dit met dankbaarheid ontvang word nie, **5 want dit word afgesonder deur die boodskap van God en gebed.**

Kefa (Petrus)

Hand 10

Die visioen van die onrein diere op die laken.

Let op – die diere is vir hom gewys maar absoluut nêrens is daar sprake van dat hy dit geëet het nie.

Wat was die boodskap?

Hand 10:28

en hy sê vir hulle: “Julle weet dat dit nie toegelaat word vir ‘n Joodse man om met iemand van ‘n ander volk te assosieer of om hom te besoek nie, maar God het my gewys dat ek geen mens vuil of onrein mag noem nie.

Daar is steeds mense wat die boodskap nie verstaan nie en mense as inherent onrein beskou omdat hulle van ander nasies is. Alle mense van alle rasse is ekstern onrein totdat hulle deur die bloed van Yeshua gereinig word. Dit is wat Kefa verklaar wat God hom geleer het.

Hand 10:34-35

Shim'on het sy mond oopgemaak en gesê: “In waarheid verstaan ek dat God geen aannemer van die persoon is nie, 35 maar dat in elke nasie dié een wat Hom vrees en onpartydig en opreg is, aanvaarbaar is vir Hom.

In Mat 15 het ons ook gesien Yeshua het nie die standaard verander nie.

Ons het drie getuies in die Nuwe Verbond wat Vader se wet en standaard in Lev 11 en Deut 14 bevestig en volhou.
Dit is nie gesond vir jou nie.
Dit maak die tempel onrein.
Dit is nie Vader se wil nie.

Yog 8:31-32 Yeshua sê vir die Jode wat in Hom vertrou het: “As julle voortdurend in My boodskap bly, dan is julle ware studentevolgelinge van My en julle sal die waarheid ken en daardie waarheid sal julle vrymaak.”

Kan ons vandag afsluit met ‘n skrif in Yesha’yahu wat verwys na die laaste dae se oordeel en straf. Let versigtig op en gaan vra vir Vader wat dit beteken. Yes 66:16 want יהוה sal met vuur en met Sy swaard oor alle vlees oordeel vel en hulle wat deur יהוה verslaan is, sal baie wees. 17 “Die wat hulleself afsonder en hulleself reinig vir die tuine, terwyl hulle die een wat in die middel staan, wat varkvlies, verwerplike dinge en muise eet, volg, sal almal saam tot ‘n einde kom,” verklaar יהוה, 18 want Ek ken hulle werke en hulle gedagtes; die tyd kom om al die nasies en tale te versamel en hulle sal kom en My Gemanifesteerde Teenwoordigheid sien.